



UNIVERSITÄTS-
BIBLIOTHEK
PADERBORN

Universitätsbibliothek Paderborn

Galeoti Martii Narniensis De Homine Libri Dvo

Galeottus <Martius>

Basileae, 1517

Pvbes Et Pecten

urn:nbn:de:hbz:466:1-31834

lumbi, uertebrae pubes inferior; & clunes. sunt autem haec omnia quadam uicinitate contigua. & cum ipsis clunibus concordare uidentur. M. Manilius.

Libra regit clunes.

• PVBES ET • PECTEN •

Pubes:
Pecten.



VB umbilico ubi pilus fruticatur, dicitur pubes & pecten. Vergilius tertio Aeneidos.

Et pulchro pectore uirgo

Pubetenus.

Iuuenalis.

Inguina traduntur medicis iam pectine nigro.

Pubes autem & pecten etiam de alijs dicuntur, sed una ratione de inferioribus partibus poni uidentur, quando quidem pubes dicitur barba. Vnde impubes qui adhuc inberbes

Impubes
Barba
apud ue-
teres pe-
ctebatur.

sunt. Et barba apud ueteres pectebatur. Persius,

Tu cum maxillis balantum gausape pectas

Inguinibus, quare detonsus gurgulio extat?

Quo sermone comprehendimus, inguina etiam non radenda & eodem modo habenda ut olim barba. Ex quo facile cognoscimus pectinem dici, quia ut barba indetonsa, pectine indigeat. Pecten polysemus sermo est. nam & citharae instrumentum. Vergilius sexto.

Pecten
piscis.

Iam pectine pulsat eburno.

Dicitur piscis ob similitudinem formae. Horati⁹ ij. Sermonij,

Pectinibus patulis iactat se molle Tarentum.

& hinc Plinius cuniculatim, pectinatim dixit, cum de cochilijs

Pectere.

locutus est. Et uerbum pecto notae significationis. Vergilius octa.

us octauo,

Pectebatq; ferum puroq; in fonte lauabat.

Et digitis inter se pectine iunctis,

quod est in octauo Metamorphoseon satis intelligitur, pro
infertis, ad similitudinem pectinis dictum. Hæc de thora-
cis parte anteriori dicta sufficiant.

SCAPVLAE



VNC ad posteriora sermo uertatur, ut ordine
suo cuncta procedant. Primam partem thora-
cis in posteriori parte occupant scapulæ. & hæ
quidem mobiles. Iuuenalis,

Scapulæ.

Quid dicam scapulis seruorum mense decembri,

De his locutus est quæ in seruorū delicto plectunt, cedunt
em̄ ut terga, Plautus in Mustellaria, Mei tergi facio hoc,
non tui fiducia. Et scapulæ in tergo sunt, ut inferius docebi-
mus. Inter scapulas est uallicula quædam a fine colli incipi-
ens, quam latini interscapilium uocāt. Higinius in descripti-
one Vrsæ, in humero daram unā, in pede de posterioribus

Interscapi-
lium.

Summo, duas, in summo interscapilio unam, bene addi-
dit summum, quoniam in quolibet membro summum dici-
tur & imum, diuerso tamen respectu. Nam cū Persius dixit,

Summū
& imū de
quolibet
membro di-
cuntur.

Summosq; pedes attinge manusq;

extrema intelligendo respexit ad cor. quod quasi radix &
fundamentum hominis est. Sic etiam in Moreto,

Atq; manu summa lachrymantia lumina terfit.

Sed cum Vergilius primo Aeneidos, ait,

Pedes uestis defluxit ad imos,

a capite sumpsit initium. & in Suetonio de naso Augusti le-

g 3 gimus.